

Peqqinnissaqarfiup Napparsimasut Sullinneqarneranni Maalaaruteqartarfianut naammagittaalliorsinnaavutit

Naammagittaalliummi makku pineqarpata:

- Misissortinneq, suliarineqarneq paaqqutarineqarnerlu, imaappoq napparsimasutut sullinneqarneq peqqinnissakkut sullissisunit suliarineqartoq
- Nappaat suliarineqarnerluunniit pillugu napparsimasumut ilisimatississuteqarneq
- Peqqinnissakkut sullissisut nipangiussisussaataitanerat
- Nakorsamit uppersaaitit
- Napparsimasut pillugit nalunaarsuiffinnik takunnissinnaatitaaneq

Sulisut makku pillugit naammagittaalliuutit Maalaaruteqartarfiup suliarisinnaavai: Nakorsat, peqqissaasut, juumuut (ernissuortuunerit), peqqissaanermi ikiortit, peqqinnissamik isumaginninnermi ikiortit, kigutit nakorsaat, kigutilerisut, peqqinnissaqarfimmi kigusiortut, tarnip pissusiinik ilisimasallit, iisartagaliortut, iisartagalerisut, aaviisartut, qinguartaasartut, isilerisut, tagiartuisartut, pillorissaasut, isikkanik tagiartuisartut, qitilerisut, utoqqarnik paaqqinnittarfinni ikiortit tarnimikkullu napparsimasunik paaqqinnittartut.

Naammagittaalliuut sumut nassiunneqassava?

Naammagittaalliuut uunga nassiunneqassaaq:

Nunatsinni Nakorsaaneqarfik

Postbox 120, 3900 Nuuk

Oqarasuaat: 34 51 92 – Telefax: 32 51 30

Peqqinnissamik sullissisunut Nunatsinni Nakorsaaneqarfik nakkutilliisutut oqartussaavoq naammagittaalliummillu misissueqqaartuusarluni. Suliaq Nunatsinni Nakorsaaneqarfimmi naliliiffigineqareeraangat Danmarkimi Peqqinnissaqarfiup Napparsimasut Sullinneqarneranni Maalaaruteqartarfianut inaarutaasumik aalajangiisartumut nassiunneqartarpoq.

Kingusinnerpaamik qaqugukkut naammagittaalliorqarsinnaava?

Pissutsit naammagittaalliuutiginiakkavit ilisimalernerinit kingusinnerpaamik ukiut marluk qaangiutsinnagit Maalaaruteqartarfimmut naammagittaalliuuteqassaatit.

Naammagittaalliuut sunik imaqaassava?

Naammagittaalliuutit suliarineqarsinnaassappat paasissutissanik makkuninnga imaqartariaqarpoq:

- Atit najukkallu inuttut cpr.-mut
- Naammagittaalliuutiginiakkavit suuneranik nassuiaat erseqqissoq
- Naammagittaalliuutiginiakkavit sumi qangalu pineranik nassuiaat

Naammagittaalliuutiginiakkannut attuumassutillit inuit aqqi eqqaamasinnaagukkit tamanna naammagittaalliuutip paasiniaaffigineqarneranut iluaqutaasorujussuusaaq.

Alla sinnerlugu naammagittaalliorqarsinnaava?

Meeqqat 18-it inorlugit ukioqarpata taakku sinnerlugit angajoqqaat naammagittaalliorsinnaapput. Illersuisut illersuisuuffitsik sinnerlugu naammagittaalliorsinnaapput. Pissutsit allat eqqarsaatigalugit alla sinnerlugu naammagittaalliuuteqassaguit piginnaatitsissut ilanngullugu nassiutissavat. Taanna aamma atuupoq qanigisat soorlu angajoqqaat, qitornat inersimasut aappaq imaluunniit inooqat pineqartillugit. Tamatumunnga pissutaavoq naammagittaalliuutit suliaassanngortinneqartut inunnet ataasiakkaanut pissutsinullu isertuuttariaqartunut tunngasut pineqartut akuersisimatinnagit peqqinnissaqarfiup oqaaseqarfigisin-

naanngisai. Qanigisaq toqusimasoq sinnerlugu qitornat, angajoqqaat, aappaq imaluunniit inooqat naammagittaalliuute-qarsinnaatitaapput.

Naammagittaallortinnak

Naammagittaallortinnak naammagittaalliuutiginiakkat sulisunut oqaloqatigiis-sutigisinnaanerlugu eqqarsaatigeqqaartariaqarpat. Misigisimasavit sulisumik imaluunniit tassani pisortaasumik oqaloqateqar-nikkut saqqummiunnissaanut pisinnaatitaaffeqarputit. Taamaasiorneq pissutsinik pilertortumik sunniuteqar-tumillu iluarsiiiffiusinnaavoq qanoq pisoqarsimaneranilluunniit paasinniffiulluni. Sulisut iluarisarpaat suliainnut atatillugu isumaminnik saqqummiinissaminut periarfissinne-qaraangamik, taamaasillutillu paatsuisoqarsimasinnaanera namminneerlu-tik iluarsiiffigisinnaallugu. Oqaloqatigiinneq ilinnut naamma-ginangippat allakkatigut naammagittaalliorsinnaatitaanerit annaavianngilat.

Naammagittaallornissamut periarfissat allat

Sulisut pissusilersornerat/ulapippallaarnerat, utaqqisarnerit, katsorsarneqar-nissamik periarfissaqannginnerit assigisaalluunniit pissutigalugit Peqqinnissaqarfiup kiffartuussinera naammaginngikkukku Maalaaruteqar-tarfiup pissutsit tamakku suliarisinnaanngilai peqqinnissaqarfimmi sulisut suliaannut attuumassuteqanngimmata. Naammagittaalliuutit taama ittut Peqqinnissaqarfiup Qullersaqarfianut tunniunneqassapput. Tamanna erseq-qinnerusumik paasisa-qarfigisinnaavat quppersakkami uani. "*Ima naammagittaalliorsinnaavutit Peqqinnissaqarfiup Qullersaqarfia*"

Ima naammagittaalliorsinnaavutit



**Peqqinnissaqarfiup
Napparsimasut
Sullinneqarneranni
Maalaaruteqartarfianut**

**Peqqinnissamut tunngasut Naammagittaalli-
utigineqartarneranni ilitsersuut**

Ilaqutariinnermut Peqqissutsimullu
Naalackersuisoqarfimmit 2008-mi
saqqummersinneqartoq